



FERTILIS agnatis regio circumfita Iberis
 Quà grauide surgunt fruges, gratòque virescunt
 Pinguibus in campis vineta madentia Baccho,
 Imperium latè terrarq; mariq; gerebat:
 Inque potens Regnum deducta est, Orbe redempto
 Exactis lustris vndena ad secla duobus.

Quæ quòd blanda quies, statio opportuna carinis,
 Aut portus fuerit venientibus aquore Gallis,
 Antiquum retinet modò Portugallia nomen.

Hanc dedit Henrico Lotarino ob martia facta,
 Et bello partos titulos, clarosq; triumphos,
 Regia sceptratenens Castella Alphonsus aquosa,
 Dum Saracenorum spolijs, atque hoste perempto,
 Oppressam immitti miserag; Tyrannide gentem
 Hispanam externa victor formidine soluit:

Annibus innumeris praeceptis desertur Iberus, 287386

Quattuor & longa regiones terminat ora.

Amne Pelendoniis descendens collibus amplo

Durius, irriguis Lusitanos terminat undis

Vna parte: Alia latebrosis ecce cauernis

Millia per septem se occultans atque resurgens,

Occiduo Guadianus Anas sese aquore mergit,

Prateriens tenui extremas curuamine Duras.

Aurifer è medio, diti vicinus Vlispo

In mare prorumpit Tagus auricoloribus undis.

Ipseq; in occiduum celso sub vertice Calpes

Labitur Oceanum diuerso tramite Betis,

Betis oliuifera linquens sua nomina terra:

Aurea perspicuis intingit vellera lymphis.

Qua post Vandalicis exhausta furoribus, vti

Vocibus est duris victorum saepe coacta,

Et Vandalicia vulgari nomine dicta,

Nunc Andalusia est corrupta voce vocata.

Gens elata grauis, & fastu plena superbo est,

Plena superstitione, & anili vana timore,

Indolis egregia, atque inniucto robore praestans,

Doctrina cupida, & sanis aptissima bellis.

